

**Coordinación General Estratégica de Desarrollo Social,  
Secretaría de Educación Jalisco kiekariyaritsie 'ahetsie mieme m+tiutiniuka ke  
m+ti'+wíyani yapep+retimaaní tsi'ayetewímek+.**

**Coordinación General Estratégica de Desarrollo Social** kaniuweni Américas huyé 'ematayewatsie, ki 'e'utewit+ Cuauhtémoc titewat+ 599 ma'uxatsie, tamamatariekatsie 'utineme, Lomas de Guevara m+rakutewá, Yetapa kiekariyaritsie, Jalisco; m+k+ m+ hetsiena katinakaaní 'ahetsie mieme m+tiutiniuka m+tikuma+wani tsiere m+ti'+wíyani, 'ik+ hetsie mieme 'ipa+ pep+ramaiká:

'Ahetsie mieme m+tiutiniuka 'ik+ 'ayumiemeyari katiniyuxe+rieka:

1. Tiyumaim+t+ 'iwaurika meuyutahat+wa yat+ni yuderechos ARCO yuri me'ayeit+anike manu'enieriwani tsiere m+ti'uximayatsiwani;
2. Metimatiwa tsiere mukaxeyarieni;
3. Te'uximayatamete waxapate 'utame m+tiwewiyar+wani IMSS tsiere Pensiones del Estado mem+tekupit+ariwa memayehutsie memeu'ut+ariwani, te'uximayatamete memeutahakenitsie yat+ni memanayek+kanitsie m+raka'ut+ariwanik+, kiekari hetsie mieme ti'uximayatame 'aix+ m+timatiwani, niuki kiekari hetsie mieme m+irik+a manayeneikani, m+tiyukutuayanitsie xapate m+tiwewiyar+wani, kiekari tuminieya manuka'+iyar+wanik+ m+tiyuku'iwawa m+rayuye'at+wani, te'uximayatamete titatsie mem+te'uximaya, muwa ke mem+teuku'u tsiere ke m+'ane mem+y+a xapate wahetsie mieme mutiyuane manayenet+ariwani; yu'uximayatsika, m+tiut+t+arieni yat+ni m+tiuta'ait+arieni hetsie timieme, tats+ te'uximayatamete mem+tih+awar+wanik+ yat+ni mem+tekupit+ariwanik+, meripai hakiewa mem+teheta'uximayatax+ m+rayehú tsiere tita m+tiyuku'iwawa m+rayuye'at+wanik+;
4. M+tiyuku'iwawa m+rayuye'at+wani ke pauka mat+ari memayuka'ut+wani, memayuka'ut+wani, tawarí memayuka'ut+wani, m+reuyewetsé m+tiyuyetuayani, 'inierika manayeneikanitsie meuyehakeni, ke m+ranayeneikani, maiyák+ xapa m+yetuiwani, xapatek+ m+matiwani, '+kit+arika tsut+ana, hix+apa, h+t+apai, te'+kitamete, memanutinát+ yat+ni 'uximayatsikatsie mieme m+raninieretsie;
5. Te'uximayatamete mem+teuti'+kit+arie memaka'ut+ariwani m+ti'+wiyariekak+ tsiere memeuyenex+a mem+'in+atsiekak+, 'uxa'a warie m+rayutinenet+wanitsie mema'inieriwanik+ hepa+na m+tiyu'+kitatsie m+ti'in+atsiekak+;
6. Secretaria de Educación memanu'enieriwa memayehú m+yekanik+, xei tapari mem+'in+atsiekak+;

7. Pinite mem+tetua m+titinanaiwak+ mem+tekupit+ariwani;
8. M+tiwa'uximayatsie memeutahakenitsie, mem+ye'uwanitsie tsiere memanayek+kanitsie m+titah+rieka tsiere teuteri 'axa memutiy+ne m+raka'ut+ariwani;
9. 'Ayekait+ x+ka tiukwine m+tiukuh+wiyarientik+ seguro m+nanaiyani;
10. M+tiyu'+kitani;
11. M+tiwayu'+kita kiekari hetsie mieme yat+ni yuhetsie mem+te'uximaya memanu'ut+ka hepa+na Secretaría de Educación m+tiwa'uximayatsie ke muyepa+me mem+xeiyariet+weni;
12. Ke m+tiyuyurieni m+ta'ut+arieni x+ka yu'uximayatsikatsie 'axa tikayaní;
13. Teyu'+kit+wamete waparewiya m+yetuiwani;
14. Tiyu'+kit+wame '+kit+arika tsut+ana tsiere hut+apai mieme m+tiwayu'+kita manu'ut+katsie Secretaria de Educación Jalisco mieme mayuka'ut+wanitsie, manayeyeikanitsie tsiere meutahakenitsie;
15. Xanetsika 'uximayatsikatsie, mem+yutin+n+we yat+ni kwinit+arikatsie mieme muyukatsutsut+wani;
16. Yuhetsie mem+te'+kita memanu'ut+ka Sistema Educativo Estatal pit+arika mat+ari mem+yetuiriyar+wani, xei witari mieme tsiere mem+kunawairiyar+wani;
17. Meteyu'+kit+at+ mem+teparewie waxapate 'utame m+titsut+arieni;
18. Escuela '+kit+arika tsut+ana, hix+apa tsiere hut+apai mieme manu'ut+ka xapate 'aix+ 'aneneme mem+yetuayanik+ pit+arika xei witari mieme m+yetuiwani yat+ni m+yutakwerieni;
19. Temaikate waxapate manayenet+arieni escuela hehekwat+ m+ti'uit+ariwani x+ka y+weni mutiyuane;
20. Unidades Administrativas tsiere escuela manu'ut+ka tumini ke mem+tekux+x+t+wa mem+xeiyariet+weni;
21. Parewiyak+ yat+ni 'uximayatsikak+ '+kit+arika rayuyexeyiat+ xapate manukhuriwa m+tifirmaruwatsiwani, Gobierno del Estado m+ranupit+arietsie 'its+kate werikayepa memaka'u, Estados tsiere municipios yat+ni mem+te'anu'ut+ka kiekari hetsie mieme yat+ni yuhetsie mem+te'uximaya wahamat+a;
22. Tixa+t+k+ yat+ni tuminik+ parewiya muxuawe mem+te'+kita wahetsie mieme m+yetuiwani; tsiere,
23. Te'uximayatamete hepa+na tsiere kiekatari Secretaría memeutahake 'ipa+ 'anemek+ mem+'+wiyarietak+: Yuhetsie mieme m+tiutiniuka yapa+mexa tukari m+tiyuxe+rieka kaniy+weni, 'ik+ Sujeto Obligado yuk+mana yat+ni tixa+t+tsie m+tiyurieneni, tats+ tewa yat+ni 'ena m+tiutátawet+ka m+tiukutet+katsie, x+ka ts+ m+k+tsie yuhetsie mieme m+tiutiniuka tika'+nirikeni kutsikame m+tikuma+wanitsie, tats+ tiwa'+wiyariet+ teuteri wa'+kiya ti'+keme mukutet+katsie m+tika'+nirike 'ena m+ kanixatsiwani.

'Ik+ niuki x+ka 'etsiwa kupatsiwani yuhetsie mieme m+tiutiniuka kutsíkate m+pa+ mekateneukaxat+ariékuni, 'ik+ sujeto obligado páginayatsie yu'uximáyatsika m+hek+atatsie, tats+ 'ik+tsie heuhome:  
<https://transparencia.info.jalisco.gob.mx/transparencia/dependencia/22>

'Aix+ m+tiuxat+ariénik+, muta'iwaunik+ yat+ni niuki x+ka kuxi xuaweni tekamatenihayewiekuni Unidad de Transparencia pem+warah+awénik+; tats+ 'ik+'ítsie, niukametsie (33) 3030-8200, kwit+ 48231 heup+name, Unidad de Transparencia correo electrónico meixeyatsie: [transparencia.cgeds@jalisco.gob.mx](mailto:transparencia.cgeds@jalisco.gob.mx)

Ke pauka mutahekwa+arie: febrero 2021.